

NA I VUNIVUNI NI QAQA





“Mo kaukauwa ka qaqā
sara ga, mo vakabauta
mo cakava me vaka nai
vakaro kecega sa
vakarota vei iko ko
Mosese na noqu i
talatala: mo kakua ni
gole tani ki nai matau
se nai mawi, mo
tamata yaco e na
yasana kecega ko lako
kina.” Josua 1:7



Ni oti na 40 na yabaki ni sasaga, sa qai basika e dua nai tabatamata vou, sa kena gauna me vakamalumalumutaki na Vanua Yalataki. Sa mate ko Mosese ka sa digitaka na Kalou e dua na I liuliu vou ki na I tavi oqo: ko Josua

Ni bera ni tomani yani na sasaga, e soqoni vata na I liuliu vou kei na I tabatamata vou me ra vakabauta vakaoti na Kalou.

Ni sa mai tu ena I yalayala kei Kenani vakalomalagi na I tabatamata ni gauna oqo, (koi keda) sa voqa vakamatata na domo mai lomalagi: “Mo kaukauwa ka qaqqa saraga” (Josua 1:7).



Tukutuku taumada (Josua 1:1-3):



Mosese kei Joshua



Ai tuvatuva ni I Vola



Nai tavi nei Josua (Josua 1:4-9):




Soli na vosa ni yalayala



Kaukauwa kei na yaloqaqa



Qaqqa ena I tavi





TUKUTUKU TAUMADA (JOSUA 1:1-3)

MOSESE KEI JOSUA

"Sa mate ko Mosese nai talatala I Jiova, sa qai vosa ko Jiova vei Josua na luvei Nuni, o koya ka dauqaravi Mosese, ka kaya" (Josua 1:1)

Na imatai ni wase ni vola I Josua e cavuti Mosese vaka 11, ka volai talega vakawasoma na yacana ena I vola taucoko.

Erau tautauvata ena vuqa sara na ka nai liuliu e rua oqo:



E dina ga ni Josua Wase 1 e vola na veisoli rau cakava na I liuliu rogo e rua qo, e sega dina ni dua vei rau na qaqā dina ni I vola oqo. Na qaqā dina sai koya na Kalou vakataki koya, o koya ka dolava na I vola ena nona vosa, o koya ka uto ni I vola na cecere ni nona veiliutaki. E sega ni da na veiletitaka rawa se o cei dina na nodra I liuliu na Isireli.



**Kalou e basika vei rau
(LY. 3:2-4; Josua 5:13-14)**



**Vakaroti me rau luvata
nodrau I vava
(LY. 3:5 ; Josua 5:15)**



**Kalou sa yalataka me
tiko vata kei rau (LY. 3:12;
Josua 1:5)**



**Rau solevutaka na
Lakosivia
(LY. 12:21-23; Josua 5:10)**



**Rau lakova na wai e dela
ni vanua mamaca
(LY. 14:21-22; Josua. 3:14-17)**



**Soli na mana vua e dua, ka
vakaotia o koya ka dua
(LY . 16:4-5, 31; Josua 5:11-
12)**



**Rau tala na yamata me
raica na vanua
(TLekutu. 13:1-3; Jos. 2:1)**



“Sa ciqomi ko Josua ena gauna oqo me I liuliu vou kei Isireli. E dau kilai tani tu ga o koya me dua na liga ni iwau, ka yaga vakalevu na nona I solisoli kei na vuku ena kedra I tukutuku na nona tamata ena nona gauna. Yaloqaqa, yatedei, dauvosota, sega ni torova na ca, vakaliuci ira ka liutaki ena nona lewa, ka vakauqeti tu ena vakabauta na Kalou—oqo na nona itovo na tamata ka digitaki koya na Kalou me liutaka na mataivalu I Isireli ni ra sa curuma yani na vanua yalataki. Ena gauna era lakova kina na lekutu, e veiliutaki ko koya ena rukui Mosese, ka mai na nona dau vakarorogo, ka lomadina ni ra malumalumu eso na nona tamata, ka yalodei me maroroya na dina ena maliwa ni veika vakarerevaki, sa vakaraitaka kina na I vakadinadina ni sa dodonu me sosomitaki Mosese, ni se bera mada ga ni kacivi ki na I tutu ena domo ni Kalou.”

AI TUVATUVA NI I VOLA

“Sa mate ko Mosese na noqu I talatala; ia ogo mo cavu tu, mo qalo kosova na Joritani ogo, ko iko kei ira kecega na tamata ogo, ki na vanuakaú na solia vei ira, io vei ira na Isireli” (Josua 1:2)

Na I vola I Josua e vakaraitaka ki vei keda na kena sa vakayacori na vosa ni yalayala ka cakava na Kalou ki vei Isireli ena gauna ka kauti ira tani mai kina mai Ijipita, ka me soli Kenani ki vei ira. Na wase 1 kei na kena vo ni vola e wasei vaka va na I wasewase lelevu:

TAKOSO ki Kenani

Josua 1:1-9

Josua 1:1-5:12

TAUKENI ki Kenani

Josua 1:10-11

Josua 5:13-12:24

WASEI na vanua

Josua 1:12-15

Josua 13:1-21:45

VEIQARAVI ena talairawarawa ki na I Vunau

Josua 1:16-18

Josua 22:1-24:33





NA I TAVI NEI JOSUA (JOSUA 1:4-9)



TOMANI NA VEIYALAYALATI

“Na tikina kecega ena butuka na geteqete ni yavamuni, au na solia vei kemuni, me vaka kau a kaya vei Mosese” (Josua 1:3)


Ena Josua 1:3. sa vosa na Kalou ena kena vakayacori na ka sa parofisai - taki oti. E tukuni Kenani me vaka sa soli oti ki vei Isireli. E kena l balebal-oqo ni Kalou sa veivakadeitaki vakaoti ena kena rawati na qaga.

E sa qai vakananumi ira ena l yalayala ni vanua sa soli (Jos. 1:4): na tikina ena maliwa ni uciwai na Joritani (Tokalau) kei na waitui na Mediterranean (Ra), mai na vanua dravuisiga (ceva) ki na uciwai na Uferetisi (vualiku).



Sa qai vuki ki vei Josua ka vakadeitaka vua kevaka sa kaukauwa ka yaloqaga, ena sega e dua me vorati koya rawa (Josh. 1:5-6).

Ia na qaga e sega ni tiko ena kaukauwa nei Josua, vua ga na Kalou. E vakadeitaka vua, me vaka e vakadeitaka vei keda yadua: “Au na tiko vata kei iko” (Jos. 1:5; Maciu 28:20).



KAUKAUWA KEI NA YALOQQA

"Au sa sega li ni vakaroti iko kina? Mo kaukauwa ka qaga; mo kakua ni rere se yalolailai: ni sa tiko vata kei iko ko Jiovana nomu Kalou ena veiyasana kecega ko sa lako kina (Josua 1:9)



Ni bera ni vakarota na kaukauwa kei na qaga ki vei Josua ena l valu (Jos 1:9), na Kalou sa vakarota taumada vua me maroroya na l vunau (Jos. 1:7).

Sa vakatalega kina ki vei keda edaidai. Na Kalou sa vakarota me da gumatua ni maroroya na nona l vunau (Vtkla. 14:12). E gadreva oqo noda yaloqaga.

Mai na nona yasana, na Kalou sa yalataka "ni na tiko vata kei keda ena veiyasana kecega eda sa lako kina" (Jos. 1:9), me vukei keda ena l valu eda valu kina. Sega ena l valu vakayago, kei "ira sa liu, keiira sa kaukauwa, keiira sa veitaliataka na butobuto kei vuravura oqo kei na veivavakoso yaloca ena veiyasana vakalomagi" (Efeso. 6:12). Me da kitaka rawa oqo, sa vakarautaka ko koya na kena l yaragi yaga ki vei keda (Efeso 6:13-17).

Na ki ni qaga sai koya na vakadinata vakaoti na Kalou. Me da rawa oqo, me da masu ka kerekere vua ena veisiga (Efeso 6:18).



NA QAQA ENA I TAVI

"Ai vola ni vunau ogo me kakua ni yali ena gusumu; iamo vakanananu kina ena siga kei na bogi, mo vakabauta kina mo cakava me vakana ka kecega sa volai kina: ko na qai kalougata ena nomu I valavala, ia ko na tamata yaco." (Josua 1:8)




Na qaqa mai na rai ni Kalou e sega ni salavata kei na qaqa ena rai ni tamata.

Na qaqa vakaitamera ena vuravura e rawa ni rawati ena kena voroki na I vunau ni Kalou kei na lawa ni vanua, ia e sega ni yaco kina na qaqa dina ka tawamudu (Jos. 1:8).

Eda na qaqa kevaka eda muria na veiyavu ni vakavuvuli kei na veika e maroroi ena I vunau ni Kalou. Ia e sega beka ni ogo na vakabulai ena cakacaka?

E segai sara. Na vakabauta kei na I Vunau e sega ni rau veimecaki, erau veiwekani ka cakacakavata (Rom. 3:31). Ni da cavuta na I vunau, eda tukuna na I vakarau ka didinu me da bula kina, sega ni sala eda vakabulai kina. Na noda veiwekani kei na Kalou e vakadeitaki ena noda talairawarawa ki na lomana.



“Sa dua tiko na nona I vukevuke kaukauwa na tamata lotu va Karisito. Na sala ni nona veivukei na Turaga ena da nsega beke ni kila; ia eda kila rawa oqo: ena sega vakadua ni laivi ira era vakadinati koya vakaoti. Rawa beka vua na lotu va Karisito me nanuma na nona sa dau liutaki mai vua na Kalou, me kakua kina ni yaco na I naki ni meca kivua, me kakua kina ni vosa kudrukudru yarayara. Ena dei vua na Kalou nona vakabauta, sega na ka ni veivakatovolei me rawai koya. Era na vakadeitaki Koya me vu ni nodra vuku kei na qaq, ka na vakayacori ira me ra rawata na ka e gadreva ko Koya.”

EGW (Prophets and Kings, p. 576)